



15 o Poutūterangi 2017

## **He Pānui – Te Whakataunga Iti mō ngā Take Tiriti o Ngāti Rangī**

Kia hiwa rā! Kia hiwa rā!

Tēnei a Ngāti Rangī te pāho atu nei ki ngā uri me ngā iwi puta noa i te motu, i te ao e huri nei i ngā rongo o te wā, me kī, kua tatū te Whakataunga Iti mō ngā take Tiriti i waenga i a Ngāti Rangī me te Karauna.

I tīmata ngā whiriwhiringa kōrero i waenga i a Ngāti Rangī me te Karauna i He Tanguru (Pepuere) 2015 me te āta wetewete i ngā kōrero kia hua mai tēnei ka tū whakataunga.

Ahakoia kei te whiriwhiri tonu hētehi o ngā wāhanga o te kaupapa nei, heoi, kei te hari koa a Ngāti Rangī, ka whakahokia mai te takere o hō mātau roto tapu o Rotokura me ngā ka tū hua e pā nei ki te mana ā-iwi, ki te taiao, ki ngā mahi hāpori me ngā pūtea hei painga mō te iwi.

Heoi, ko ngā mea matua,

- E whakaae ana te Karauna, he mana motuhake tō Ngāti Rangī. He mea whakahirahira tēnei mā Ngāti Rangī kia whakatairanga i te rangawhenua ake o Ngāti Rangī i te ao; a

- Kua tīmata hoki te whakaraupapatanga i ngā hītori tika o Ngāti Rangī me te Karauna kia kore ai e tūohu pēnei ki ngā tau ki muri nei. He mea nui tēnei kia ea te mamae kua roa nei e aupēhi ana i a Ngāti Rangī.

E te iwi, he tīmatanga tēnei kia ara anō te ua o Ngāti Rangī ake kia whiti mai te mārama i hēnei ka tū rongo papai.

Me he pātai, whakapā atu ki a Che Wilson.

Terea te kaupapa ki ngā ia o te wā, hoea!

Nā mātau ngā Kaiwhiriwhiri me ngā Kaitarati o Ngāti Rangī